



Inombolo yefayili: 23/2/8/1/NTA 2025  
Isalathiso: 20250312-1545

Ingcaciso eMfutshane ye-Cape Teaching and Leadership Institute: 0003/2025

Iya: KumaSekela Balawuli-Jikelele, kuBalawuli abaziiNtloko, kuBalawuli, (kwaNdlunkulu nakwii-ofisi zezithili), kwiiNtloko zamacandelwana nezamacandelo kwaNdlukulu, kwiiNtloko zoKunika iNkxaso kwiKharithulam, kwiiNtloko zoLawulo noKuphathwa kwamaZiko, kwiiNtloko zoQuquzelelo neNgcebiso ngeze-ISLES, kuBaphathi beeSekethe, kuBacebisi ngeZifundo, kwiiNqununu zezikolo zikarhulumente, kwiiNtloko zamaziko eBakala R abhalisiweyo nakooSihlalo bamabhunga olawulo kwizikolo zikarhulumente

#### ISihloko: AmaBhaso okuWonga ooTitshala kaZwelonke angu-2025

1. AmaBhaso okuWonga ooTitshala kaZwelonke (*National Teaching Awards (NTAs)*) aqaphela ukutshatshela nemigangatho ephezulu yobuchule kumsebenzi wokufundisa nokubonelela abakumsebenzi wezemfundo ngamathuba okubhiyozela impumelelo yootitshala abagqwesileyo ngokuqaqambisa umsebenzi obalaseleyo owenziwa ngaba titshala.
2. ISebe leMfundo leNtshona Koloni (iSebe iWCED) ke ngoko, liyazidla ngokuthi lazise yaye lisingathe umsitho wama-25 wamabhaso ephondo aqho ngonyaka, ocwangciselwe ukuqhubeka nge-**15 Agasti 2025**, nongumsitho owandulela owamabhaso e-NTA aqho ngonyaka.
3. Inguqulelo yekhompuyutha (*electronic version*) eyi-Nomination Guide for the Annual National Teaching Awards, equlethe iifom zokutyumba neekhrayitheriya zokufaneleka, iyafumaneka ngokusebenzisa le linki ingezantsi. Kucelwa izikolo zikhuphele (*download*) amaxwebhu akhankanyiweyo ngokusebenzisa le linki ilandelayo: <https://wcedonline.westerncape.gov.za/national-teaching-awards>
4. Ikopi ye-Nomination Guide ikwaqhotyoshelwe apha kule ngcaciso imfutshane (**isiHlomelo A**). Kucelwa niqaphele ukuba akukho zikopi ziprintiweyo ziya kunikwa izikolo.
5. Kucelwa bonke ootitshala, amabhunga olawulo namagosa ezithili ukuba bangenise amagama abatyunjiweyo ngokusekelwe kwiikhrayitheriya eziqulethwe kwi-Nomination Guide kwinqununu zabo okanye kubaphathi bamaziko.

6. “Amabhaso eNkathalo neNkxaso ango-2023” (“2023 Care and Support Awards”) adityaniswe kumabhaso e-NTAs yaye abizwa ngokuthi “UkuTshatshela ekuFundiseni iZakhono zoBomi” (“Excellence in Teaching Life Skills”) (kwiBakala 1 ukuya kwele-6 )
7. Ootitshala abafanele ukuwongwa banokutyunjwa kwezi ndidi zili-15 zilandelayo:
- UkuTshatshela ekuFundiseni kwiBakala R
  - UkuTshatshela ekuFundiseni kwiZikolo eziziiPrayimari (kumaBakala 1–7)
  - UkuTshatshela kuBunkokeli kwiZikolo eziziiPrayimari
  - UkuTshatshela ekuFundiseni kwiZikolo eziziiSekondari (kumaBakala 8–12)
  - UkuTshatshela kuBunkokeli kwiZikolo eziziiSekondari
  - UkuTshatshela ekuFundiseni kwiMfundo eneeMfuno eziZodwa
  - UkuTshatshela kuBunkokeli kwiZikolo zeMfundo eneeMfuno eziZodwa
  - UkuTshatshela ekuFundiseni iMathematika (GET)
  - UkuTshatshela ekuFundiseni iMathematika (FET)
  - UkuTshatshela ekuFundiseni i-Natural Sciences
  - UkuTshatshela ekuFundiseni i-Physical Sciences
  - UkuTshatshela ekuFundiseni iZakhono zoBomi (kumaBakala 1-6)
  - UkuTshatshela kwiThekhinoloji – IBhaso lokuFunda nokuFundisa okuPhuculweyo
  - IBhaso likaZwelonke likaTitshala oTshatshelweyo
  - IBhaso i-Kader Asmal leMpumelelo kwezeMfundo ngeXesha Lonke loKuphila
8. ISebe iWCED linqwenela ukuba bonke abatyunjiweyo bazithathele ingqalelo iikhrayitheriya zokufaneleka ngokwe-NTA *Nomination Guide* (umhlathi10, amaphepha 63–67).
9. Abatyunjelwe ii-NTAs kufuneka babe ngaba balandelayo:
- 9.1. ngowenze umsebenzi wokufundisa wobutitshala iminyaka emibini ubuncinane yaye esebenza iminyaka emibini ubuncinane kwisikolo sikarhulumente esiqhelekileyo okanye kwiziko loPhuhliso lwaBantwana abasaQalayo eMzantsi Afrika; okanye
- 9.2. ngosebenze iminyaka emibini ubuncinane kwindima yobunkokeli kwiKomiti yoLawulo yeSikolo.
10. Ngaphaya koko, ziinqununu, amasekela-nqununu nootitshala kuphela, **zezikolo zikarhulumente zabafundi abaneemfuno zemfundo ezizodwa abanokungenela udidi “lokuTshatshela kudidi lweMfundo eneeMfuno eziZodwa” kunye nakudidi “lokuTshatshela kudidi loBunkokeli kwiMfundo eneeMfuno eziZodwa”**. Kucelwa nifunde umhlathi 10.1 (k) no-(l) (iphepha 64) kwi-*Nomination Guide*, ukufumana inkcazelo engaphezulu.

11. Kucelwa abatyunjiweyo babenolwazi ngeekhrayitheriya nangenkqubo yokukhethwa kwabaphumeleleyo.
12. Amaqela angabhaliswa ukungenela ii-NTAs, nakuba kunjalo, ngootitshala abahlanu abona baninzi abanokwenza iqela kudidi ngalunye.
13. Ukulungiselela ukukhethwa kwabaphumeleleyo kumanqanaba esithili, ephondo nakazwelonke, kuya kucelwa abatyunjwa bangenise inkcazo-ntetho (ka-PowerPoint) kwiikhrayitheriya eziqhelekileyo nezikhethekileyo ngokunjalo (*general and specific criteria*), eqaqambisa umsebenzi wabo omawuqwalaselelwe la mabhaso anqweneleka ngamandla. Oku kuya kusebenza njengodliwano-ndlebe lokugqibela lokumisela abaphumeleleyo kwisithili, kwiphondo nakuzwelonke.
14. Kwinqanaba lesithili abagqatswa abakuluhlu olufutshane baya kwenza udliwano-ndlebe neenkcazo-ntetho bekhona buqu kwi-ofisi yesithili okanye njengoko kumiselwe ngumququzeleli wesithili.
15. Kumjikelo wokugweba kwiphondo, abaphumelele kwisithili baya kwenza udliwano-ndlebe neenkcazo-ntetho zabo e-Cape Teaching and Leadership Institute, e-Kuils River.
16. Abaphumeleleyo kunye nabo baphume kwindawo yesibini kwisithili kwakunye nabaphumelele kwiphondo nabaphume kwindawo yesibini baya kufumana amabhaso njengoko kumiselwe liSebe iWCED.
17. Iifom zokutyumba ziye zalungelelaniswa zaze zancitshiswa kakhulu ukunika ootitshala abaninzi ithuba lokuba batyunjelwe la mabhaso anqweneleka ngamandla.
18. Umhla wokuvala wokungeniswa kwazo zonke iifom zokutyumba kwiCandelo le-CTLI ngowe-**16 Meyi 2025**.
19. Kucelwa iinqununu neekomiti zesikolo zokutyumba ukuba zifake iifom zokutyumba ezizaliswe ngokupheleleyo zisebenzisa le [linki](https://forms.gle/i4VY4oALTScf9UN59) ilandelayo: <https://forms.gle/i4VY4oALTScf9UN59>
20. Kucelwa nifunde **isiHlomelo B noLuhlu lokuTshekisha kwiphepha 2 lesihlomelo** ukufumana iinkcukacha zokungeniswa kweeFom ii-Nomination Forms nenkqubo elandelayo yokukhethwa kwabaphumeleleyo.

21. Le mihla ilandelayo ithathwa njengebalulekileyo kwinkqubo yango-2025:

No.	Okwenziwayo	Imihla efanelekileyo
1	Ukuvalwa kokufakwa kwamagama abatyunjiweyo	<b>16 Meyi 2025</b>
2	Inkqubo yokugweba kwisithili	<b>26–30 Meyi 2025</b>
3	Ukwaziswa kwabaphumeleleyo nabaphume isibini kwisithili (Itheko lamabhaso kwisithili)	<b>01-20 Juni 2025</b>
4	Inkqubo yokugweba kwiphondo	<b>23 –29 Julayi 2025</b>
5	Itheko lamabhaso kwiphondo	<b>15 Agasti 2025</b>
6	Inkqubo yokugweba kuzwelonke	<b>09 –11 Septemba 2025</b>
7	Itheko lamabhaso kuzwelonke	<b>09 Oktobha 2025</b>

22. Ukuba nifuna ingcaciso engaphezulu, kucelwa niqhagamshelane nomququzeleli wesithili ochaphazelekayo odweliswe apha ngezantsi:

Isithili	Umququzeleli (abaququzeleli) wesithili	Inombolo yefoni	Idilesi ye-imeyili
<b>Metropole East</b>	Mnu Craig Paulsen	021 900 7035	<a href="mailto:Craig.Paulsen@westerncape.gov.za">Craig.Paulsen@westerncape.gov.za</a>
<b>Metropole Central</b>	Mnu Sheldon Lingevelde	021 514 6945	<a href="mailto:Sheldon.Lingevelde@westerncape.gov.za">Sheldon.Lingevelde@westerncape.gov.za</a>
<b>Metropole North</b>	Nks Kaydy Cheng	021 938 3174	<a href="mailto:Kaydy.Cheng@westerncape.gov.za">Kaydy.Cheng@westerncape.gov.za</a>
<b>Metropole South</b>	Nks Genine Erfort	021 374 4107	<a href="mailto:Genine.Erfort@westerncape.gov.za">Genine.Erfort@westerncape.gov.za</a>
<b>Cape Winelands</b>	Mnu Elton-John du Plessis	023 348 4682	<a href="mailto:Elton-John.DuPlessis@westerncape.gov.za">Elton-John.DuPlessis@westerncape.gov.za</a>
<b>Eden and Central Karoo</b>	Mnu Errol Meiring	044 803 8344	<a href="mailto:Errol.Meiring@westerncape.gov.za">Errol.Meiring@westerncape.gov.za</a>
<b>Overberg</b>	Mnu Edward Kies	084 583 5008	<a href="mailto:Edward.Kies@westerncape.gov.za">Edward.Kies@westerncape.gov.za</a>
<b>West Coast</b>	Nks Janine Adonis	021 860 1208	<a href="mailto:Janine.Adonis@westerncape.gov.za">Janine.Adonis@westerncape.gov.za</a>
<b>Provincial office (CTL)</b>	Mnu Gavin de Bruyn	021 900 5053	<a href="mailto:ProvincialInta@wced.info">ProvincialInta@wced.info</a>
<b>*Kuyo yonke imibuzo</b>	Nks Tamaryn Petersen	021 900 5040	<a href="mailto:ProvincialInta@wced.info">ProvincialInta@wced.info</a>

23. Amabhaso ii-NTAs axhaswa nguMphathiswa weMfundo wePhondo, yiNtloko yezeMfundo, yimibutho yeemanyano zabasebenzi nemibutho yamabhunga olawulo.eLECTR
24. Ayakhuthazwa onke amalungu angabahlali besikolo ukuba bathathe inxaxheba ekutyunjweni kootitshala abakufaneleyo ukuwongwa kwii-NTAs.
25. Kucelwa wazise ngokuqulethwe yile ngcaciso imfutshane bonke ootitshala abafundisayo ukuze bakuthathele ingqalelo.

**ISAYINWE:** NGU-BJ LORISTON

**USEKELA MLAWULI-JIKELELE WEKHARITYHULAM NOLAWULO LOVAVANYO**

**UMHLA:** 2025-04-10